



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DODJELI „ŠESTOAPRILSKE NAGRADE GRADA SARAJEVA“
U 2021. GODINI
ZA DOPRINOS U OBLASTI NAUKE I OBRAZOVANJA
Prof. dr. Mehmed Bublin
(prijedlog)

Predlagač: Odbor za dodjelu
„Šestoaprilske nagrade Grada Sarajeva“ u 2021. godini

Obrađivač: Gradska služba za Gradsko vijeće

Sarajevo, mart 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





GRADSKO VIJEĆE

Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) i člana 16. stav 2. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19), Gradsko vijeće Grada Sarajeva, na sjednici održanoj dana _____ godine, donijelo je

(prijedlog)

ODLUKU
O DODJELI „ŠESTOAPRILSKE NAGRADE GRADA SARAJEVA“
U 2021. GODINI ZA DOPRINOS
U OBLASTI NAUKE I OBRAZOVANJA

Član 1.

Dobitnik pojedinačne „Šestoaprilske nagrade Grada Sarajeva“ u 2021. godini za doprinos u oblasti nauke i obrazovanja je *prof. dr. Mehmed Bublin*.

Član 2.

Nagradu uručuje Gradonačelnik i Predsjedavajući Gradskog vijeća na Svečanoj sjednici Gradskog vijeća.

Član 3.

„Šestoaprilska nagrada Grada Sarajeva“ dodjeljuje se u obliku Povelje i sadrži novčani iznos.

Član 4.

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Dr. Igor Gavrić

Broj: 01-GV-02-_____/21
Sarajevo, __. __. 2021. godine



OBRAZLOŽENJE

PRAVNI OSNOV

Pravni osnov za donošenje ove odluke je sadržan u odredbi člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je utvrđena nadležnost Gradskog vijeća za donošenje Odluke o dodjeli „Šestoaprilske nagrade Grada Sarajeva“, kao i odredbi člana 16. stav 2. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19) kojim je propisano da Gradsko vijeće donosi konačnu odluku tajnim glasanjem na zatvorenoj sjednici za javnost.

RAZLOZI ZA DONOŠENJE ODLUKE

„Šestoaprilska nagrada Grada Sarajeva“ dodjeljuje se kao najviše društveno priznanje za značajna ostvarenja i značajne rezultate rada u oblastima:

- privrede,
- nauke i obrazovanja,
- kulture i umjetnosti,
- sporta,
- zdravstva i socijalne zaštite,
- drugim oblastima rada i stvaralaštva,

bez obzira na godinu ostvarenja, a koji doprinose ukupnom unaprjeđenju, promociji i razvoju Grada Sarajeva, kao glavnog grada Bosne i Hercegovine i Federacije Bosne i Hercegovine. Pod značajnim ostvarenjima podrazumijevaju se djela ostvarena u kontinuitetu koja se ocjenjuju kao doprinos razvoju odgovarajuće oblasti, u skladu sa kriterijima, uobičajenim za konkretnu oblast, a koja doprinose ukupnom razvoju, odnosno promociji grada Sarajeva.

Sastavni dio obrazloženja je prijedlog pristigao po Javnom pozivu za predlaganje kandidata za dodjelu „Šestoaprilske nagrade Grada Sarajeva“ u 2021 godini.

Nagrada se dodjeljuje kao pojedinačna Nagrada za izuzetan doprinos *prof. dr. Mehmeda Bublina* u „oblasti nauke i obrazovanja“, a u skladu sa Odlukom o uslovima i načinu dodjele „Šestoaprilske nagrade Grada Sarajeva“.

Odbor za dodjelu „Šestoaprilske nagrade Grada Sarajeva“ u 2021. godini je, razmatrajući pristigle prijedloge za dodjelu Nagrade, uputio prijedlog za po dva prvorangirana kandidata za dodjelu Nagrade za doprinos u „oblasti nauke i obrazovanja“ i to Prijedlog Odluke o dodjeli Nagrade *prof. dr. Mehmedu Bublina* i Prijedlog Odluke o dodjeli Nagrade *prof. dr. Arziji Pašalić*. Gradsko vijeće se, tajnim glasanjem, određuje o konačnom dobitniku Nagrade u 2021. godini u ovoj oblasti na sjednici Gradskog vijeća, a razmatrajući ova dva navedena prijedloga.

PREDLOŽENA RJEŠENJA

Članom 1. se imenuje dobitnik Nagrade u 2021. godini.

Članom 2. se određuje da Nagradu uručuje Gradonačelnik i Predsjedavajući Gradskog vijeća na Svečanoj sjednici Gradskog vijeća.

Članom 3. je utvrđeno da se Nagrada dodjeljuje u obliku Povelje i sadrži novčani iznos.

Članom 4. se određuje stupanje na snagu odluke i obaveza objavljivanja u „Službenim novinama Kantona Sarajevo“.

SREDSTVA

Sredstva za realizaciju ove odluke se planiraju u Budžetu Grada Sarajeva.

PRIMLJENO:			
Org. jed.	Broj	Prilog	Vrijednost
04-GV-04-	98/21	29. JAN 2021	

Univerzitet u Sarajevu



University of Sarajevo

GRADJEVINSKI FAKULTET

- SENAT -

Broj: 01-1-9/21

Sarajevo, 27. 01. 2021. godine

Priloga: 29.01.2021	
Org. jed.	Broj
03-	2156-7/20

Na osnovu člana 130. Zakona o visokom obrazovanju („Službene novine Kantona Sarajevo“, broj: 33/17, 35720 I 40/20) i člana 59. Statuta Univerziteta u Sarajevu, na prijedlog Vijeća Građevinskog fakulteta Univerziteta u Sarajevu broj: 02-1-2156-1/20 od 29. 12. 2020. godine, Senat je na 23. elektronskoj sjednici održanoj 27. 12. 2020. godine, donio *s l i j e d e ć i*

ZAKLJUČAK

1. Senat Univerziteta u Sarajevu podržava prijedlog Vijeća Građevinskog fakulteta Univerziteta u Sarajevu za dodjelu „Šestoaprilске nagrade Grada Sarajeva“ u 2021. godini, prof. dr. Mehmedu Bublinu, profesoru emeritusu Univerziteta u Sarajevu za značajna ostvarenja i rezultate rada iz oblasti „Nauke i obrazovanja“.
2. Obrazloženi prijedlog Vijeća Građevinskog fakulteta Univerziteta u Sarajevu broj: 02-1-2156-1/20 od 29. 12. 2020. godine čini sastavni dio ovog zaključka.

REKTOR

Prof. dr. Rifat Škrijelj



Dostavljeno:

- ☐ Građevinskom fakultetu
- U dokumentaciju Senata
- Arhivi



Patriotske lige 30, Tel.++387 33 27 84 00; Fax.++387 33 20 01 58 E-mail: gfsa@gf.unsa.ba <http://www.gf.unsa.ba>
ID broj: 4200287770000 PDV broj: 200287770000

Broj: 02-1-2956-1/20
Sarajevo, 29.12.2020.god.

Na osnovu člana 135 Zakona o visokom obrazovanju ("Službene novine Kantona Sarajevo", broj: 33/17), člana 104 Statuta Univerziteta u Sarajevu, na Inicijativu Odsjeka za saobraćajnice Građevinskog fakulteta Univerziteta u Sarajevu, a u skladu sa Javnim pozivom o uslovima i načinom predlaganja kandidata za dodjelu "Šestoaprilске nagrade Grada Sarajeva" u 2021. godinu, Vijeće Građevinskog fakulteta Univerziteta u Sarajevu na XVI sjednici (elektronskoj) održanoj 29.12.2020. godine, donijelo je

ODLUKU

o prijedlogu kandidata za "Šestoaprilsku nagradu Grada Sarajeva" u 2021. godini

I

U skladu sa Javnim pozivom o uslovima i načinom predlaganja kandidata za dodjelu "Šestoaprilске nagrade Grada Sarajeva" u 2021. Godine, Vijeće Građevinskog fakulteta Univerziteta u Sarajevu za značajne ostvarenja i rezultate rada iz oblasti "NAUKA I OBRAZOVANJE" predlaže prof.dr. Mehmeda Bublina, emeritusa profesora Građevinskog fakulteta Univerziteta u Sarajevu.

II

U prilogu ove Odluke su:

- Obrazloženje prijedloga za dodjelu "Šestoaprilске nagrade Grada Sarajeva" u 2021. godini prof.dr. Mehmeda Bublina, emeritusa profesora Građevinskog fakulteta Univerziteta u Sarajevu.
- Saglasnost prof.dr. Mehmeda Bublina, emeritusa profesora Građevinskog fakulteta Univerziteta u Sarajevu.za kandidaturu za "Šestoaprilsku nagradu Grada Sarajeva" u 2021. godinu.

III

Odluku sa priložima iz tačke II ove Odluke dostaviti Univerzitetu u Sarajevu na daljnje postupanje.

DEKAN

Prof.dr. Samir Dolarević, dipl.ing.građ.

Dostaviti:

- 1.) Univerzitet u Sarajevu
- 2.) emeritus prof.dr. Mehmeda Bublina
- 3.) Arhiva





Patriotske lige 30, Tel.++387 33 27 84 00; Fax.++387 33 20 01 58 E-mail: gfsa@gf.unsa.ba <http://www.gf.unsa.ba>
ID broj: 4200287770000 PDV broj: 200287770000

Broj: 03- 2956-2 /20
Sarajevo, 29.12 2020.god.

Na osnovu člana 126 stav (2) Zakona o visokom obrazovanju ("Službene novine Kantona Sarajevo" br.33/17), dajem stručno

MIŠLJENJE

Prijedlog Odluke o utvrđivanju prijedloga prof.dr. Mehmeda Bublina, emeritusa profesora Građevinskog fakulteta Univerziteta u Sarajevu za kandidata za "Šestoaprilsku nagrada Grada Sarajeva" u 2021. godini, za značajne ostvarenja i rezultate rada iz oblasti "NAUKA I OBRAZOVANJE", a u skladu sa Javnim pozivom o uslovima i načinom predlaganja kandidata za dodjelu "Šestoaprilске nagrade Grada Sarajeva" u 2021. godini, koja je na dnevnom redu XVI sjednice (elektronske) Vijeća Građevinskog fakulteta Univerziteta u Sarajevu od 29.12.2020. godine, nije u suprotnosti sa odredbama člana 135 Zakona o visokom obrazovanju ("Službene novine Kantona Sarajevo", broj: 33/17) i članom 104 Statuta Univerziteta u Sarajevu.

Obrazloženje

Na Inicijativu Odsjeka za saobraćajnice Građevinskog fakulteta Univerziteta u Sarajevu, a u skladu sa Javnim pozivom o uslovima i načinom predlaganja kandidata za dodjelu "Šestoaprilске nagrade Grada Sarajeva" u 2021. godinu, u okviru dnevnog redu XVI sjednice (elektronske) Vijeća Građevinskog fakulteta Univerziteta u Sarajevu od 29.12.2020. godine razmatrat će se prijedlog odluke o utvrđivanju prijedloga prof.dr. Mehmeda Bublina, emeritusa profesora Građevinskog fakulteta Univerziteta u Sarajevu za kandidata za "Šestoaprilsku nagrada Grada Sarajeva" u 2021. godini, za značajne ostvarenja i rezultate rada iz oblasti "NAUKA I OBRAZOVANJE".

Na osnovu člana 135. Zakona o visokom obrazovanju Kantona Sarajevo ("Službene novine Kantona Sarajevo" broj: 33/17) i odredbama člana 104. Statuta Univerziteta u Sarajevu, Vijeće Građevinskog fakulteta Univerziteta u Sarajevu je nadležno za donošenje odluke kako je predloženo.

U skladu sa naprijed navedenim, a cijeneći da su se stekli uslovi iz odredbi člana 135 Zakona o visokom obrazovanju ("Službene novine Kantona Sarajevo", broj: 33/17) i člana 104 Statuta Univerziteta u Sarajevu, po pitanju osnova i nadležnosti Vijeća Građevinskog fakulteta Univerziteta u Sarajevu za donošenje odluke kako je predloženo, dostavljam mišljenje kao u dispozitivu.

Sabina Bajrić, dipl. prav.
Sekretar Građevinskog fakulteta Univerziteta u Sarajevu

OBRAZLOŽENJE

Na osnovu Javnog poziva o uslovima i načinu predlaganja kandidata za dodjelu "Šestoaprilske nagrade grada Sarajeva" u 2021. godini, a shodno odluci o uslovima i načinu dodjele "Šestoaprilske nagrade grada Sarajeva" (Službene novine kantona Sarajevo, br. 28/19) Vijeće Građevinskog fakulteta predlaže Mehmeda Bublina profesora emeritusa Univerziteta u Sarajevu za dodjelu Šestoaprilske nagrade grada Sarajeva za njegov značajni **naučno istraživački doprinos razvoju Sarajeva u oblasti urbanizma.**

Dugogodišnji rezultati ovih istraživanja objavljeni su u knjigama:

1. **"Sarajevo u istoriji" - od neolitskog naselja do metropolisa**

Štampana je i na engleskom jeziku.

2. **"Sarajevo grad budućnosti"**

3. **"Budućnost grada s prirodnim i novim urbanim tehnologijama"**

Ova knjiga objavljena je skupa sa knjigom "Sarajevo grad budućnosti" jer se radi o novom pristupu - paradigmi razvoja gradova, a štampana je i na engleskom jeziku.

U nastavku teksta priloženi su izvodi iz recenzija gore navedenih knjiga kao obrazloženje doprinosa razvoju Sarajeva u oblasti urbanizma.

Izvod iz recenzije knjige "Sarajevo u istoriji" - od neolitskog naselja do metropolisa

Prof.dr. Hamdija Salihović

Traganje za genezom i razvitkom grada Sarajeva, privlačili su pažnju znanstvenika iz različitih socio-kulturnih, ekonomskih, historijskih, političkih i drugih oblasti, u smislu kontinuiteta, ali i diskontinuiteta grada.


U historiji razvitka gradova društveno-ekonomske i političke prilike, direktno se reflektiraju u prostoru i vremenu, u smislu infrastrukture i suprastrukture.

Svako vrijeme projicira svoje mogućnosti u graditeljstvu, nosi pečat vremena, prostora i ambijenta, u životu, arhitekturi i graditeljstvu.

Prvi put u jednoj knjizi obuhvaćena je daleka prošlost, geneza grada Sarajeva, stagnacija, razvitak, usponi i padovi grada, okupacije grada, požari, poplave, pljačke itd.

Ova varijedna knjiga Mehmeda Bublina, predstavlja autorski rad, kao kronološku cjelinu, interpretirajući pomak i znanstveni doprinos na tom planu.

U knjizi su sistematski elaborirani različiti periodi razvitka grada. Značajno je podcrtati, da svaki od sadržaja knjige, kao tematskih i kronoloških cjelina, mogu biti zasebne knjige, koje bi šire i dublje obuhvatile genezu razvitka grada.



Jasno je da samo ljubav i entuzijizam autora navodi da se uhvati u koštac sa pisanjem znanstvene knjige ovakvog obima i sadržaja.

U vezi s tim, pohvalno je da knjiga kolege Mehmeda Bublina - Sarajevo u istoriji "Od neolitskog naselja do metropolisa", kao jedinstvena cjelina, predstavlja značajan doprinos istraživačkoj i znanstvenoj misli na našim prostorima.

Prof.dr. Nedžad Kurto

Prvim iskazima kojima počinje ovo djelo, autor prihvata vjerovanje da je grad najbolji organ pamćenja, kojeg je čovjek do sada stvorio. A kulturno pamćenje je proces kojim društvo osigurava rekonstrukciju identiteta budućim generacijama.

Sarajevo je postalo gradom još u doba evropskog ranog renesansa, koji je, do danas bio i ostao kao najznačajnija urbana cjelina Bosne i Hercegovine. U svom dugom opstanku, grad je imao izrazite periode uspona, stagnacije, ili nazadovanja.

Stav autora o budućnosti grada Sarajeva proizilazi iz njegova cjelovita razvoja i kontinuiteta opstanka. Jer, ako se ne osvrćemo na prošlost i njene vrijednosti, misao o njegovoj budućnosti postaje upitna. Autorov motto postaje: zbirom prošlog i budućeg, nastaje sadašnjost.

Dokumentaran način izlaganja čini ovo djelo uvjerljivim do te mjere da u njemu prepoznajemo valastiti identitet, što nam daje pravo "sjećanje na budućnost".

Biografski prikaz dugovječnog grada Sarajeva, na uzročno-posljedični način, zapravo je objektivna istina o njemu i njegovim usponima i padovima, mijenama u kojima je postao i opstao. Prikaz našeg grada čiji su segmenti sudbinski opredijelili njegove stanovnike, čini ga urbanim - dokumentarnim romanom. Sasvim razložno preporučujemo objavljivanje ove knjige, knjige koja nije samo tehničko štivo, već roman o gradu - gradu Sarajevu.

Izvodi iz recenzija knjige "Sarajevo grad budućnosti"

Akademik Kemal Hanjalić

Autor je kroz analizu i sintezu brojnih varijabli funkcionisanja i razvoja grada obezbijedio osnovu za kreiranje budućnosti grada Sarajevo.

Knjiga je pisana profesionalno. Sadržaj je aktuelan i zanimljiv.

Poglavlja se nižu logičnim i hronološkim redoslijedom. Svako od njih čini skoro zasebnu cjelinu koje se mogu čitati odvojeno, a istovremeno se uklapaju u cjelovit kontekst. Jezik je čitljiv i razgovjetan, ugodan. Kompozicija je informativna, razložna, stil je popularan ali nenametljiv. Kao takva knjiga je

pristupačna širem broju čitalaca, a ne samo stručnjacima, i biće koristan prilog popularnoj i stručnoj literaturi o planiranu modernog grada budućnosti.

Da zaključim: Ovaj rad predstavlja značajan doprinos definisanju pravca i metoda razvoja cjelovitog grada, te može poslužiti planerima, političarima i stručnjacima različitih profila za njihov daljnji rad i kreiranje razvojnih rješenja grada. Stoga smatram da ovo vrijedno djelo treba štampati.

Arhitekta Vuk Amir-Zec

Ta budućnost kojoj smo svjedoci je naznačena u ovoj knjizi. Upravo na temeljima ove prostorno - vremenske analize treba sa savremenim tehnologijama i naučno gledati na razvoj i budućnost grada. Ta potreba za održivim i pametnim rukovođenjem gradom je potreba, koja proizilazi i osvještenost današnjeg čovjeka, kao što današnje moderno biće bilo kojeg roda vodi računa o svom tijelu, hrani koju jede, ima potrebu i da misli, o staništu koje odgovara njegovom svejtonazoru. Ekološki održivi razvoji nisu više pomodna floskula, nego nasušna potreba današnjeg čovjeka. Ako je kuća druga, grad treća a njegova koža, tvrdi hundredwaser-artista ekolog. Danas je sve više dobro osvještenih kuća, sa maksimalno efikasnim izolacijama, ekološkim odnosom do okoline. To treba podići na veći nivo.

Internet je promijenio naš svijet, vrijeme je da promijeni naš odnos prema gradu. Pametni gradovi se spremaju za budućnost bez auta. Beč i Oslo su dokaz toga. Ova knjiga nas navodi da mislimo u tom pravcu, o toj budućnosti koja može i mora biti izvjesna, da bi se izbjegla stihija, koja na tijelo grada djeluje, kao i stihija u metabolizmu - kancerogeno. Bolje spriječiti nego liječiti.

Upravo ova knjiga daje nadu da se planeti nađu u njoj kao i oni koji odučuju, a naročito oni koji će konzimirati grad u budućnosti. Green city - Zeleni grad, kako ga prevodimo, je na jednom skupu urbanista u Sarajevu, neko od gostiju iz Holandije jasno je definisao kao Green-city of smile. Gdje su ljudi sa osmjehom na licu to je grad.

Ova knjiga će nam pomoći da nam se osmjeh vrati na lice.

Izvodi iz recenzija knjige "Budućnost grada s prirodom i novim urbanim tehnologijama"

Prof.dr Samir Džug

Prof. dr Mehmed Bubulin je renomirani stručnjak i znanstvenik na planu prostornog planiranja i urbanizma.

Njegova najnovija knjiga pod naslovom "Budućnost grada s prirodom i novim urbanim tehnologijama" je "prirodni" nastavak njegovog odsadašnjeg rada, a njen naslov svjedoči o autorovom praćenju najnovijeg stanja i trendova u urbanizmu i prostornom planiranju.

Djelo "Budućnost grada s prirodom i novim urbanim tehnologijama" je vizuelno privlačna i intelektualno dobro organizirana knjiga sa poglavljima koja se dotiču svih ključnih pitanja savremenog urbanog življenja. Autor produbljuje naše spoznaje ovih složenih procesa i snažno ističe značaj uravnoteženog razvoja gradova na globalnom nivou. Kao knjiga koja povezuje višedecenijsko bogato teorijsko i praktično iskustvo autora u oblasti prostornog planiranja ona treba biti nezaobilazna lieteratura za arhitekte i urbane planere kao i sve one koji se bave pitanjima okoliša u urbanom okruženju.

Posebnu vrijednost ovom djelu daje autorovo naglašavanje velikih izazova koji u budućnosti čekaju, planere, građevinare, ekologe i političke vođe koji trebaju biti dovoljno imaginativni da shvate estetske i ekonomske prednosti prirode kako bi mogli da ih kreativno ugrade u svoje okruženje, susjedstva, škole i radna mjesta u urbanim ekosistemima.

Prof. dr Ahmed Hadrović

Pojava knjige profesora Bublina pod naslovom "Budućnost grada s prirodom i novim urbanim tehnologijama" je dobrodošla u stručni i znanstveni svijet Bosne i Hercegovine i šire čime se ovaj geografski prostor upisuje na svjetsku mapu suvremenog promišljanja prirode i čovjeka (društva) u njihovoj neraskidivoj povezanosti gdje se čovjek (planer i korisnik prostora) pojavljuje u ulozi kreatora "koji razumije i poštuje prirodne zakonitosti", s očiglednim benefitima za sebe.

Stoga je ova knjiga dobrodošla za studente široke lepeze profesionalnih usmjerenja (jednako prirodnih znanosti, tehnike, društvenih znanosti i umjetnosti) kao i za stručnjake koji, kao profesionalci, rade u ovim oblastima.

Iz svih ovih razloga preporučujem publiciranje ovog rukopisa.

BIOGRAFIJA I RADNI OPUS KANDIDATA

Bublin Mehmed je rođen 22.maja 1939.godine u Sarajevu. Studirao je i diplomirao na Građevinskom fakultetu u Sarajevu 1963.godine. Magistrirao je na Građevinskom fakultetu u Sarajevu, a doktorirao na Arhitektonskom fakultetu u Sarajevu.

Profesor je na Građevinskom fakultetu u Sarajevu, a bio je gostujući profesor na Fakultetu za saobraćaj i komunikacije u Sarajevu. U proteklom periodu je obavljao nastavničku djelatnost i na Arhitektonskom, Šumarskom i Poljoprivrednom fakultetu u Sarajevu.


U periodu od 1972. do 1978.godine bio je angažovan na poslovima urbanizma i komunalnih djelatnosti u općini Centar i Skupštini grada Sarajeva.

Predsjednik društva urbanista Bosne i Hercegovine bio je u periodu 1980. - 1990. i 1996. - 2005.


U periodu 1990. - 2002. obavljao je funkciju direktora Instituta za arhitekturu, urbanizam i prostorno planiranje Sarajeva.

U svom dugogodišnjem radu učestvovao je u izradi preko četrdeset prostornih planova općina, tri prostorna plana regija (kantona) i četiri plana posebnih područja, te desetak urbanističkih planova gradova, a bio je i koordinator izrade Prvog prostornog plana Bosne i Hercegovine. Autor je preko pedeset naučnih i stručnih radova iz oblasti prostornog razvoja i saobraćaja. Takođe je učestvovao u organizaciji velikog broja okruglih stolova, simpozija i konferencija, koji su se odnosili na teritorijalni i urbani razvoj Bosne i Hercegovine i razvoj saobraćaja.

Pored deset objavljenih knjiga - udžbenika, objavio je i knjige "Gradovi Bosne i Hercegovine - milenijum razvoja i godine urbicida", "Rehabilitacija gradova Bosne i Hercegovine", "Prostorno planiranje i zaštita okoline", "Bosna - tragovi postojanja i uništavanja", "Sarajevo u istoriji - od neolitskog naselja do metropolisa", "Održivi razvoj Bosne i Hercegovine", "Sarajevo grad budućnosti" i novi trendovi razvoja grada sa prirodom i novim urbanim tehnologijama.



Univerzitet u Sarajevu
Građevinski fakultet



Emeritus, prof.dr. Mehmed Bublin
71000 Sarajevo

Poštovani,

Potvrđujem da sam saglasan i prihvatom kandidaturu za Šestoaprilsku nagradu grada Sarajeva za 2021. godinu za koju me kandiduje Građevinski fakultet Univerziteta u Sarajevu.

S poštovanjem

Emeritus, prof.dr. Mehmed Bublin